

Naatsorsueqqissaartarfiup ilinniartitaanermut naatsorsuutai

Naatsorsueqqissaartarfiup ilinniartitaanermut naatsorsuutai

Naatsorsueqqissaartarfik Ilinniagaqarnersiuteqartitsivimmit Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfiup (IKIIN) ataanniittumik inunnut Kalaallit Nunaannit ilinniagaqarnersiutisartunut Kalaallit Nunaanni imaluunniit avataani piginnaalersitsisussanik ilinnartunut paasissutissanik pisarpoq.

Nalunaarsuutit Naatsorsueqqissaartarfimmi misissorneqartarput, ilinniartitaanermilu kisitsisitigut paasissutissanut najoqqutassat pilersinneqartarput. Nalunaarsuutinut periaatsinullu annertunerusumik nassuiaatinut Naatsorsueqqissaartarfiup ukiumut ilinniartitaaneq pillugu kisitsisitigut saqqummersittagai innersuunneqarput.

Naatsorsueqqissaartarfiup ilinniartitaanermut kisitsisitigut paasissutissanik naatsorsuisarnera siunissami taamaallaat UNESCO'p nunanut tamalaanut malitassiaa ISCED2011 malillugu ingerlasassaaq. Taamaattumillu ingerlariaqqiffiusumik ilinniarfiit inuussutissarsiornermi ilinniarfinnut sivikinnernut, bacheloritut qaffasissusilinnut ilinniarfinnut akunnattumik sivisussusilinnut aammalu kandidatitut qaffasissusilinnut ilinniarfinnut sivisunerusunut agguataarneqarsinnaalerput.

Ilinniartitaanermut kisitsisitigut paasissutissat 2017-imi


Naatsorsueqqissaartarfiup iluarsaappai, taamaattumik piffissaq taanna sioqqullugu kisitsisit nikingasinnaapput. Ukiuni kingullerni pingasuni kisitsisit siunissami kisitsisaagallartuusassapput, siusinnerusukkullu kisitsisit inaarutaasumik kisitsisaasassallutik.

2016-imi ilinniarnertuunngorniarfiit aammalu inuussutissarsiornermi ilinniarfiit

Amerlanerit inuusuttunut ilinniarfinni ilinniakkanik aallartitsipput

2016-imi Kalaallit Nunaanni aammalu Kalaallit Nunaata avataani inuusuttunut ilinniarfinni ilinniakkanik aallartitsisut 1.385-iusimapput. Tamanna 2006-imut sanilliullugu malunnartunik amerleriarnaruvoq, tassani inuusuttunut ilinniarfinni aallartittut 1.023-ummata. Agguaqatigiissinnerini ilinniarnertit aallartinneqartut sumiiffiini annikitsumik allannortoqarsimavoq. 2006-imi 94 procentit Kalaallit Nunaanni inuusuttunut ilinniarfinni aallartissimapput, 2016-imi 92 procentiusimallutik.


Titartagaq 2.1. 2006-imit 2016-imut ilinniarnertit aallartinneqartut



Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNISC11A>).

Ataani takutinneqarpoq ukiuni 2014-imit 2016-imut Kalaallit Nunaata ilinniarnertuunngorniarfiini sisamaasuni ilinniarnertit aallartinneqartut amerlassusaat. 2014-imi ilinniarnertit 578-iullutik amerlanerpaagallarput 2016-imi 469-inut naleqqiullugit.

Titartagaq 2.2 2014-imit 2016-imut Kalaallit Nunaanni ilinniarnertuunngorniarfinni ilinniarnertit aallartinneqartut




Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNISC11E>).

2014-imiit 2016-imut Kalaallit Nunaanni ilinniarnertuunngorniarluni ilinniarnertit aallartinneqartut ikilismapput. Qeqqani ilinniarnertuunngorniarfinni ilinniarnertit aallartinneqartut ikilinerpaasimapput, Teknikimik Ilinniarfimmi – Sanaartormik Ilinniarfimmi ilinniarnertit aallartinneqartut ikilinnginnerpaajusimasut.

Ataani takutinneqarpoq 2016-imi Kalaallit Nunaanni inuussutissarsiornermi ilinniarfimmi ilinniarnertit aallartinneqartut 803-usut agguataarneri.

Titartagaq 2.3 2016-imi Kalaallit Nunaanni inuussutissarsiornermi ilinniarfinni ilinniarnertit aallartinneqartut



Nalunaarut: Allani pineqartut tassaapput Imarsiornermik Ilinniarfik – Uummannaq, Isiginnaartitsisartunngorniarfik, Eqqumiitsuliornermik Ilinniarfik aammalu Danmarkimi atuagarsortut.


Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNISC11E>).

2016-imi Kalaallit Nunaanni inuussutissarsiornermi ilinniarfinni ilinniarnertit aallartinneqartut Campus Kujalleri ilinniarnertit 115-iullutik amerlanerpaasimapput. Teknikimik Ilinniarfik – Saviminilerineramik Ilinniarfik 114-nik ilinniarnernik aallartittoqarsimapput, Peqqissaaneramilu Ilinniarfik 95-inik allartittoqarsimalluni.

Inuusuttunut ilinniarfinni amerlanerit naammassipput

2016-imi ilinniarnertit naammassineqartut 825-upput, 2006-imi ilinniarnernut naammassineqartunut 482-inut sanilliullugit marloriaatingajaallutik. Ilinniarnertit naammassineqartut 825-usut 53 procentii inuussutissarsiornermi ilinniarfinneerput.


Titartagaq 2.4. 2006-imit 2016-imut Kalaallit Nunaanni aammalu Kalaallit Nunaata avataani inuusuttunut ilinniarfinni ilinniarnertit naammassineqartut



Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNISC11D>).

Ataaniipput 2016-imi inuusuttunut ilinniarfinni ilinniarnertit naammassineqartut nunap kommuniinut sisamanut agguallugit.

Titartagaq 2.5. 2016-imi Kalaallit Nunaanni inuusuttunut ilinniarfinni ilinniarnertit naammassineqartut



Nalunaarut: Ilinniarnertit atuarfinnit nalunaarusiaqanngitsut aammalu Danmarkimi atuagarsortut titartakkami ilaatinneqanngillat.

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNISC11H>).

Kommunit ataasiakkaarlugit isigissagaanni Kommuni Kujallermi aammalu Kommuneqarfik Sermersuumi agguaqatigiissillugu inuusutissarsiornermi ilinniarfinni ilinniarnertit naammassineqartut 52 procentiullutik aammalu 65 procentiullutik annertunerpaapput. Qeqqata Kommunian aammalu Qaasuitsup Kommunian agguaqatigiissillugu ilinniarnertuunngorniarfinni ilinniarnertit naammassineqartut 61 procentiullutik aammalu 64 procentiullutik annertunerpaapput.

Ataatsimut isigalugu

Piffissami 2012-mit 2016-imut ilinniarnertuunngorniarfinni ilinniarnertit naammassineqartut 1.734-usimapput inuusutissarsiornermilu ilinniarfinni 2.050-iusimallutik.

Takussutissaq 2.1. Piffissami 2012-mit 2016-imut Kalaallit Nunaanni inuusuttunut ilinniarfinni ilinniarnertit amerlassusaat, ilinniarfinnut agguallugit

	2012	2013	2014	2015	2016
Ilinniarnertuunngorniarfiit					
Aallartinneqartut	485	515	578	515	469
Ingerlatsisut	1.233	1.213	1.247	1.229	1.125
Unitsinneqartut	248	308	365	362	338
Naammassineqartut	314	333	373	347	367
Inuusutissarsiornermi ilinniarnertit					
Aallartinneqartut	712	698	726	734	803
Ingerlatsisut	1.301	1.217	1.218	1.124	1.186
Unitsinneqartut	538	467	461	474	448
Naammassineqartut	401	388	404	442	415

Nalunaarut Naatsorsuutit tamarmik "ukiup naaneraningaaneersuupput". Malugiuk, inuk ataaseq eqimattani arlalinni ilaasinnaamat ukiumi ilinniakkamik aallartissiffiusumi pineqartumi, assersuutigalugu aallartinneqartuni aammalu


ingerlatsisuni. Taamatuttaaq inuk ataaseq aallartinneqartuni unitsinneqartunilu ilaasinnaavoq, pineqartoq ukiup ingerlanerani ilinniakkami ataatsimi arlalinniluunniit taama inissisimasutut allassimappat.
 Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNISC11E>, <http://bank.stat.gl/UDNISC11F>, <http://bank.stat.gl/UDNISC11G> aammalu <http://bank.stat.gl/UDNISC11GH>).

Tamakkiisumik isigalugu 2012-imiit 2014-imut Kalaallit Nunaanni ilinniarnertuunngorniarfinni ilinniarnertit amerlatsikkiartuinnarsimapput. 2015-imi 2016-imilu ilinniarnertuunngorniarfinni ilinniarnertit ikililaarsimagaluartut 2016-imi naammassisut amerlisimapput. Ukiuni kingullerni Kalaallit Nunaanni inuussutissarsiornermi ilinniarnertit unitsitsinerit ilinniarnertillu naammassineqartut ikileriarsimapput, ilinniarnertilli aallartinneqartut aammalu ingerlanneqartut annikitsumik amerleriarsimallutik.

2016-imi ingerlariaqqiffiusumik ilinniakkat

Amerlanertit ingerlariaqqiffiusumik ilinniarnertit naammassimapput 2016-imi Kalaallit Nunaanni aammalu Kalaallit Nunaata avataani 268-t ingerlariaqqiffiusumik ilinniarnertit naammassisimapput. Agguaqatigiissillugit 49 procentiullutik annertunerpaat inuussutissarsiuutagalugu bacheloriarsimapput, naammassisulli tamatigut sisamaat ingerlariaqqiffiusumik inuussutissarsiornermi ilinniarnertit sivikinnerusuneersimallutik.

Titartagaq 3.1. 2006-imit 2016-imut naammassisut, ilinniakkat qaffasissusaannut agguallugit



Najoqqutaq: Naatsorsueqqissaartarfik - Kisitsisaataasivimmi kisitsisit takukkit (<http://bank.stat.gl/UDNISC11D>).

Kalaallit Nunaanni katillugit 172-it ingerlariaqqiffiusumik ilinniarnertit naammassimapput. Ataani takutinneqarpoq Kalaallit Nunaanni ilinniarnertit agguanneri.


Takussutissaq 3.1. 2016-imi ingerlariaqqiffiusumik ilinniarfinni naammassisut amerlassusaat, qaffasissuseq aammalu Kalaallit Nunaanni ilinniarfiit malillugit

	Inuussutissarsior- nermi ingerlariaqqiffiu- sumik ilinniarfiit sivikinnerit	Bachelori- tut	Inuussutis- sarsiuutigalugu bacheloritut	Kandidati- tut	Katillu- git
Campus Kujalleq	11	-	-	-	11
Inuili	5	-	-	-	5
Niuernermik ilinniarfik Nuuk	22	-	-	-	22
Ilisimatusarfik	-	27	76	2	105
Perorsaanermik ilinniarfik ..	-	-	29	-	29
Katillugit	38	27	105	2	172

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNISC11H>).

Ilinniarnert naammassineqartut 61 procentii ilisimatusarfimminngaanerput. Ilinniarfiit qaffasissusaanni agguaqatigiissillugu inuussutissarsiuutigalugu bachelorit (professionsbachelor) 64 procentiullutik annertunerpaapput, ilinniarfinnilu ilisimatusarfimmi aammalu Perorsaanermik ilinniarfimmi agguataarsimallutik.

Titartagaq 3.2. 2016-imi Kalaallit Nunaanni ilinniarnert naammassineqartut, ilinniakkat suunerinut agguallugit



Najoqqutaq: Naatsorsueqqissaartarfik- Kisitsisaataasivimmi kisitsisit takukkit (<http://bank.stat.gl/UDNISC11H>).

Kalaallit Nunaanni ingerlariaqqiffiusumik naammassisut 34 procentiullutik amerlanersaat *ilinniarnermi*pput. Tassunga ilaapput soorlu meeqqat atuarfiini ilinniartitsisut. 27 procentit *Peqqinneq aammalu* atugarissarnermiippot, tassunga ilaapput peqqissaasut aammalu perorsaasut.

Ataatsimut isigalugu

Piffissami 2012-mit 2016-imut Kalaallit Nunaanni ingerlariaqqiffiusumik ilinniarfinni ilinniarnert naammassineqartut katillugit 715-iusimapput. 2016-imi ilinniakkamik aallartitsisut, ilinniakkanik ingerlatsisut aamma ilinniakkamik naammassinnittut 2015-imut sanilliullugit ikilerialaarsimapput. Piffissami tassani ilinniakkamik unitsitsinnartut amerlisimapput

2012-imiit 2016-imut ingerlariaqqiffiusumik ilinniartinnit ilinniartinnit amerlassusaat

**Tabel 1. 2012-mit 2016-imut Kalaallit Nunaanni ingerlariaqqiffiusumik
ilinniartinnit amerlassusaat, qaffasissutsinut agguallugit**

	2012	2013	2014	2015	2016
Inuussutissarsiornermi ingerlariaqqiffiusumik ilinniartinnit sivikinnerit					
Aallartinneqartut	41	43	52	57	71
Ingerlatsisut	54	75	93	99	99
Unitsinneqartut	18	10	20	13	35
Naammassineqartut	27	16	17	41	38
Bacheloritut					
Aallartinneqartut	56	68	64	64	67
Ingerlatsisut	132	141	151	171	176
Unitsinneqartut	48	45	38	34	38
Naammassineqartut	21	15	17	12	27
Inuussutissarsiuutigalugu bacheloritut					
Aallartinneqartut	194	135	186	189	138
Ingerlatsisut	501	467	488	489	452
Unitsinneqartut	65	85	102	65	86
Naammassineqartut	77	80	80	113	105
Kandidatitut					
Aallartinneqartut	17	14	16	16	24
Ingerlatsisut	50	54	63	67	77
Unitsinneqartut	8	7	2	2	14
Naammassineqartut	6	5	5	11	2

Nalunaarut: : Naatsorsuutit tamarmik "ukiup naaneraneersuupput". Malugiuk, inuk ataaseq eqimattani arlalinni ilaasinnaamat ukiumi ilinniakkamik aallartissiffiusumi pineqartumi, assersuutigalugu aallartinneqartuni aammalu ingerlatsisuni. Taamatuttaaq inuk ataaseq aallartinneqartuni unitsinneqartunilu ilaasinnaavoq, pineqartoq ukiup ingerlanerani ilinniakkami ataatsimi arlalinniluunniit taama inissisimasutut allassimappat.

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNISC11E> , <http://bank.stat.gl/UDNISC11F> , <http://bank.stat.gl/UDNISC11G> aammalu <http://bank.stat.gl/UDNISC11H>).

Ilisarnaatinut nassuiaatit:
... Paasissutissat pigineqanngillat
.. Paasissutissat tatiginanngitsut ilisarinnilersitsisinnaasulluunniit
. Kisitsisitaqanngitsut
0 Affaanit mikinersuut
- Nul
* Kisitsisaagallartut imaluunniit missingersuutit

Saaffissaq
Gorm N. Pedersen
E-mail: gnpe@stat.gl

2017 ukiumoortumik paasissutissat

Naatsorsueqqissaartarfik
Postboks 1025 · 3900 Nuuk
Oqarasuaat.: +299 34 57 70 · Fax: +299 34 57 90
www.stat.gl · e-mail: stat@stat.gl

